



Naomi deng Rut bale ka Betlehem

dua bajalang sampe di kota Betlehem.

Bagitu dong dua sampe, orang-orang yang ada di situ hebo paskali. La parampuang-parampuang Betlehem laeng bilang par laeng kata, “E! Dia tu Naomi ka?”

²⁰Tarus Naomi bilang par dong, “Jang panggél beta Naomi^e lai. Panggél beta Mara^f sa. Barang, Tuhan yang pung Kuasa Paleng Basar biking beta pung hidop paleng susa paskali. ²¹Waktu beta pi dari sini, beta pi sama-sama deng beta pung laki deng anana. Mar sakarang ni, Tuhan kasi pulang beta sandiri. Jadi, jang kamong panggél beta Naomi lai. Barang, Tuhan hukum beta. Antua yang pung Kuasa Paleng

Basar tu yang biking beta hidop susa deng sangsara.”

²²Jadi, itu tu carita soal Naomi pulang dari Moab sama-sama deng Rut, antua pung ana mantu. Dong dua sampe di Betlehem pas su mulai musing orang-orang pi ambe jelai.

Jelai

Rut baku dapa deng Boas 2:1-23

2¹Di kota Betlehem, Naomi pung laki Elimelek yang su mati tu ada pung famili nama Boas. Boas ni orang kaya. Orang jaga taru hormat par antua. ²Satu kali bagini, Rut, parampuang Moab tu, bilang par Naomi kata, “Mama, kasi tinggal beta pi jua di orang yang pung hati bae pung kabong par punggul sisa-sisa jelai

^e 1:20 Naomi tu dalang bahasa Ibrani pung arti ‘sanang’.

^f 1:20 Mara tu dalang bahasa Ibrani pung arti ‘pait’.

